

مجموعه ابو الخضر

ماسوا شائبه سندن دلی تطهیرہ پالاش
بر تو حکمت و عرفان الہیہ تویرہ آتش

ہر ماہ عربی ابتدا سیلہ اون بشندہ نشر اول نور فنون مجموعہ سیدر .

جزو ۳۳ [فی غرہ جاذی الاول سنہ ۱۳۰۰] نسخہ سی ۳ فروش

هر کس آتک ثمره فطانت و اختراعی عد ایدرک حیران اولمش ایدی .
 حال بوکه ابراهیم افندیکن شو همتی ملتزمجه الی الابد مشکور اولقله
 برابر بو واسطه نافعہ مومی الیه اثر فطانت و اختراعی اولمیبوب اثر
 تقلیدی اولدیغی و بناءً علیه کنندیسنک بوباده کی خدمت و همتی
 وساطتدن عبارت بولندیغی بالاده کی تفصیلاتدن ظاهر اولور .

عصر حاضر مطبوعاتی

اوروپاده موجود بولان غزنه زده اتوغرافی (علم احوال اقوام)
 نقطه نظرندن باقلدیغی حالده ایکی فرقده منقسم بولندقلری
 کوریلور؛ بولاردن بری [لاتین] و دیگرکی [جرمن] قوملیدر .
 غزنه زک بویله ایکی قسم اعتبار ایدیلمیشی تقسیمات کیفیهدن
 دکلدر؛ لاتین مطبوعاتی لاتین اقوامنه مخصوص اولان ذکا و فطانتک
 کافه مزبانی ناطقدر . مطبوعاتک قسم میجوشی غزنه زک عوارضندن
 اولان تبدل مسالک و مشربک مساعدده سی درجه سنده خفیف و لطیفدر .
 لاتین مطبوعاتی تجارت ایله اشتغاله خیلی غیرت کوسستردیکی
 حالده بوکا هیچ بروقت تمامیله موفق اوله مامشدر . لاتین غزنه زنده (یعنی
 اسپانیول ، فرانسز و ایتالیان مطبوعانده کی) نشریات جرمت فرقه سنک
 نشر یانندن اهمته یوزقات دوندر .

۵

جرمن فرقه سنه منسوب اولان غزنه زده او قدر شطارت آمیز
 مواد کورلور . آنلرک نسخهلری ده جسیم اولدیغی کبی بیخاری ده
 ده جدیدر . جرمن غزنه زلی صحیفهلرینی برطاقم خیالات و یا مالایعنیاته

کشاده طوتمیوب دائماً وقایع صحیحہ و مباحت ہمد و مفیدہ ایلہ املا
املا ایتکدہ درلر .

اعلانات بو غزته لک قسم اعظمی استیعاب ایدر . [تاعس]
ویا خود [برلینر تاغبلات] غزته سنک بر نسخہ سی اولور کہ عموم
پارس غزته لرینک شامل اولدقلری اعلانلک ایکی مثلی اعلانی حاوی
بولور .

غزته لردہ کورینان شو اختلاف محتویات ایکی جنس آرہ سئندہ
موجود اولان تخالف طبع و مسلکدن نشأت ایدر .

آغلور - ساقسونلر دها زیادہ عملرور و دها زیادہ کار کنار
آدملر اولورق لاینلر ایسہ جدیاندہ اودرجہ بی هیچ بروقت احراز
ایدہ منزل . آنلر فطرۃ بدایعہ و ہر نوع اطایبہ نہمکدرلر .

بوسبلہ جرمن اقوامنک غزته لری خلقی مستفید ایشدکاری نسبتہ
اصحابی دہ اقدار ایتکدہ در . فرانسدہ ایسہ حال بویلہ دکدر .
باخصوص فرانسدہ اوفاق اعلانلک تحت انحصارده یعنی اعلان درج
ایتمک صلاحیتنک محدود بر حالہ بولنسی فرانسنز غزته لرینک ثروتی
دخی تحدید ایتکدہ در .

جرمانیہ دہ مناکحات، تحریر، ازواج، مزایدہ، مناقصد، مأمور
و مأموریت، خدمت و خدمتکار طلبی قبیلدن سائر برچوق اعلاناتی
هر هانکی غزته اولورسہ اولسون بلا استثنا درج ایلیہ بیلیر . حال بو کہ
فرانسدہ بو مثللو اعلانات یا سواقلردہ دوائر بلدیہنک ارانہ ایلدیکی
محللردہ و یا خود اوفاق اعلانلر درج ایتکی بر امتیاز مخصوص ایلہ
تحت انحصارہ آلمش اولان بعض غزته لردہ نشر اولور .

نویورق هرالد، تاعس و کولنیشہ جای توغ غزته لری غائب اولان کلاب

و طالب ازدواج نسوان اعلانیله مملودر . بو مثالو شیره فرانسز غزنه -
لرنده اصلا تصادف اولنه مرز . فرانسه ده ضیاعه متعلق اعلان دیوار -
له یاپشیدیریلیر . غزنه لره اعلان و یا طلب ازدواج ایسه شطیحات
حکمنده تلقی اولنمیدیندن هیچ بر قادین و یا ارکک طرفندن بو بولده
جدی بر اعلانیله بولونمز .

دیوارله تعلیق اولنان اعلانیله ایسه هیچ کیسه طوروب
اوقومدیندن بو بولده اعلانیله بولنانلرک صرفیاتی یانلرینه قالمقدن
بشقه بر ثمره کوردکاری معلوم دکدر . دیوارله اعلان یاپشیدیرمق
اوله سوء استعمال اولنمشدیرکه بو کونکی کونده هیچ بر تأثیری قالم -
مشدر دینه بیلیر .

اعلانات خصوصنده دوجار اولدینگی افتقاردن طولایی اک زیاده
قباحتلی اولان ینه فرانسه اصحاب نشریاتیدر . چونکه متوفی امیل
دوژبراردن ابتدا [برس] غزنه سنده اعلان اصولنی ایجاد ایتدیکی
زمان اعلانیله غزنه نك دردنجی صحیفه سنه آتمش ایدی . حال بوکه
اصحاب مطالعه نك اکثریسی نظر فحری بی او صحیفه یه قدر تمدید ایتمز .
انکلیز ، آمریقان ، آلمان غزنه لری ایسه بالعکس اعلانیله
طوغریدن طوغری یه غزنه نك برنجی صحیفه سنه وسرلوحه نك آتته
درج ایدرلر ؛ و یاخود هر صحیفه ده حوادثلر آره سنه طاغیدرلر . و اکثریا
ستونی تمامیه استیعاب ایتیان بندلرک خاتمه سنه وضع ایدرلر . بو صورتله
غزنه اوقوبان بر آدمک کوزی بای حال بو اعلانیله تصادف ایدر .

§

کولنیشه جایتونف غزنه سی :

آلمانیانک اک مشهور غزنه سی اولان بو حوادثنامه نك اسیای شر -
قیده و آمریقانک ممالک شمالیه و جنوبیه سنده دائمی سیار مخبرلری واردر .
بو مخبرلرک وظیفه سی ممالک مذکورده سیاحت ایدرک مستعمرات

تأسیسه الك زباده الویریشلی بولنان اراضی یی کشف ایله وطنداشلرینه
 اوبابده معلومات مکمله اعطا ایتکدر . غزته نك صاحبی بو وطنپورانه
 وظیفه یی ایفا اوغورنده سنوی اوج یوز بیک فرائق صرف ایدیور .
 ایشته مذکور غزته بومبلغ جسمی نشر ایلدیکی اعلانات بدلندن
 تأدیبه ایتکده در . یومی آلتیش بیک نسخده طبع ایدن بوغزته کونده
 اوج دفعه یعنی آلتیشردن یوز سکسان بیک عدد نشر اولنور وهر
 دفعه سنده درت صحیفه سندن ایکسی دائما اعلاناته منحصر در .

§

غزت دو فراتفورت :

بوغزته دخی یومی اوج دفعه نشر اولنور؛ وآنکده تمثیلات
 معتاده سی آلتیش بیکدر . غزته سکز صحیفه یی شامل اولمسندن بالکز
 آلتیسی اعلاناته مخصوصدر . معلومات تجاریه ومالیه خصوصنده دنیاده
 بوندن مکمل غزته کورولماشدر . هستی مدیله یی سایه تجارتده عد ایدن
 انگلیز بیله بوغزته یه مماثل بر غزته احداث ایده مامشدر .

مستعمرات تأسیسی کبی اعمال وطنپورانه ده کولنیشه چایتونغه
 رقابتله مشهور در .

غزت دو فراتفورتک اصحاب فنون و معلوماتدن عبارت اوله رق
 ایک سینه اول سیاحتیه چیقاردیغی هیئت مخابرین هنوز اعزام
 اولندقلری محلدن عودت ایتماشلردر . بو هیئتک ریاسقنده آلمانیا نك
 مشاهیر علماسندن [ارمان دوس] بولتمقده در .

§

برلینر تاغبلات :

تاغبلات غزته سی تمثیلات خصوصنده آلمانیا غزته لرینک برنجیسی
 در . چونکه تمثیلات یومیه سی حساب وسطی ایله سکسان بش بیک

تجاوز ایتکده در . بوندن بشقه هر کون بر این ایچون اون ایکیدن
اون آلتی صحیفه به و آلمانیاک ایالات و بلادی ایچون ینه او مقدار صحیفه
اعلانات باصوب آریجه نشر ایتکده در .

§

ایضاحات واقعه دن آکلاشیله جنی اوزره جرمن غزته لری
تحریردن زیاده حسن اداره به اعتنالی سایه سنده لاتین غزته لری نه
تفوق ایتکده درلر .

انکلیز و آلمان مملکتلرنده اصحاب نشریاته بیوک برتمتع تأمین
ایتمان غزته پک آزدر .

آمریکا غزته لرندن برینه کشیده اولتان ۱۰,۰۰۰ کلهک برتلغرا .
قنامه مقابلنده ۷۰۰۰ فرانق اجرت ویرلدیکنک ایشیدلیدیکی زمان
فرانسه ده تعجب اولنیور .

ممالک اجنیه ده غزته لر هیئت فنییه تشکیل ایده رک کندی
مصرفلرله قطب شمالی به و یا ممالک سارمیه اعزام ایدرلر . و بو اوغورده
میلیونلر صرف ایلرلر . بو فوق العاده مصرفلی تشبثاته ایسه
او مملتلرده هیچ کیمسه تعجب ایتنیور . خلق بو مثللو تشبثلری غزته لرک
وظائفندن عد ایدنیور .

لاتین و جرمن ممالکنده کی غزته لره دأر بر فکر مجمل اعطا ایتک
ایچون بویکی قومک اک مشهور غزته لرینک احوالی تدقیق ایدلم :

آلمان غزته لری

کونیشه جایتونف — بو غزته عالم تمدنده موجود اولان غزته لرک
اک زیاده منتشر اولانیدر .

[پاپوآزی] یعنی یکی کینه جزیره لرندن بریسنده ایکی آلمان قصبه سی وار ایسه مطلقاً کولنیش چایتونفک یومی ویاخود هفتسه لک قسمی اورایه داخل اولمشد.

فرانسزلرک فوق الغایه خصمی اولان بوغزته آلمانیاک مک مشهور فاجعه مؤلفلرندن موسیو [هاری قروز] ک زیر اداره سنده در.

بوغزته مک هیئت تحریریه سی برلینده اقامت ایلدیکنندن پسدری کل یوم تلغرافله قولونیا به نقل اولنور! کولنیش چایتونف تمامیه وطن وملت خادمی بوغزته در. موسیو قروزک وطنی یولنده سنوی اختیار ایتدیکی مصارف کرچکدن مهم فداکارلقلردندر.

کچن سنه «استرازبورغ قپوسی» نامنده بوغزته تأسیس ایتشد که بوغزته مک وظیفه سی ممالک ملحقه اهالیسنی فکرأ وقلباً آلمانلره تقریبه وساطتدر:

§

آلکمانیه نورد دایتشه چایتونف — بوغزته آلمانیا ایمپراطورینک مروج افکاریدر. موسیو دوبسمارکک آرزوسی وجهله مذکور غزته کل یوم صباح واقشام ایمپراطورک حضورنده قرائت اولنور. ایمپراطور ۱۸۷۴ سنه سنه کلنجیه قدر، ۱۷۴۰ سنه سنه تأسیس اولمش اولان [غزت دوسپه نر] نامنده اسکی بوغزته به آبونه ایدی. قونت دارنیم مسئله سی (*) میدانه چیتدیغی زمان مذکور غزته قونتک طرفنی التزام ایله برنس بسمارکک علمنده نشر مقالانه مباشرت ایتسه یله، بوحر کتندن غضبنک اولان برنس، یوز اوتوز درت سنه لک اولان بوغزته یی درحال تعطیل ایتشد.

(*) قونت دارنیم بعدالحاجاره آلمانیاک پارس سفیری ایدی. بعض اوراق سیاسیه یی اظهار ایله اتهام اولمش ایسه ده اسناد وقع اثبات ایدیه مامسندن خصمی اولان برنس بسمارکک رقابته حل ایتلدندر.

۱۸۷۴ سنه سندن بری امپراطورک اوقومده اولدیغی آلمانیه
نورد دایتشه جایتونف غزته سنک تحسج کاغدلی کوزدن کچیرمک
اوزره اکثریا پرنس بسمارقه کوندریلیر . فقط شخص واحدک مروج
افکاری اولمقلی رغبت عامه دن سقوطنی موجب اولمش و یومی ۸۰۰۰
نسخه نشر ایتکده بولمشد .

§
فوسیشه جایتونف — بو غزته دنیانک انک زینکین اعلان غزته سی
اولدیغندن یومی ۲۴ صحیفه دن عبارت اوله رق نشر ایدیلیر .
مذکور غزته آلمانیا ادبای مشهوره سندن [له سینغ] انک ورته سنک
مالی در . (*)

آمریکا غزته لری

نویورق هرالد — دنیانک انک جسم بر غزته سی اولوب
آمریکانک هر طرفنده اوقونور . مذکور غزته صفق ملیه سی محافظه
فرق سیاسیه منازعاتندن دائما اجتناب و بر مسلاک بیطرفانه دوام
ایتکده در .

نویورق هرالدک رغبت واشتہارینی موجب اولان اسبابدن
بریده عالمک هر گوشه سنده برر مخبر بولندیرمی در . حتی سائح مشهور
(استانی) بی آفریقاه و (زانت) سفینه سی قطب شمالیه اعزام ایدن
بو غزته نک صاحب امتیازی موسیو [جیمس غوردون بنت] در .

زانت سفینه سی عودت ایتامشدر ؛ بالکز بر قایق ماه مقدم قطب
شمالی حواله سنده جسم بر بوز قیاسی اوزرنده سفینه نک قبولدانی
[وولونف] انک نعش مجملدی بولمشد .

(*) له سینغ ۱۷۲۹ دن ۱۷۸۱ سنه قدر معمر اولمش و برچوق آثار
ادیبه سی بولندیغی کبی مذکور غزته بی دخی کندیسی تاسیس ایتشد .

آفریقایه استانیلی بی و قطب شمالی به زانت سفیده سنی اعزام
بولنده موسیو جیمس غوردون تقریباً ایکی ملیون فرانق صرف
ایتمشدر .

§

آمریقا غزنه جیلرندن موسیو [پولیچر] شیکاغوده «شرق
مطبوعاتی» نامنده کی غزنه بی تأسیس و تمثیلات یومیه سنی یوز بیک
نسخه به ابلاغ ایلدکن صکره نو یورقه کلرک [رولد] غزنه سنک
امتیازینی اشترایتمشدر . موسیو پولیچرک النده کلیتی سرمایه بولندیغی
جهتله نو یورق هرالده رقابت یتیمده بولندیغی وهنوز کنج اولسندن
سایه ذکا واجتهادیه نو یورق هرالده غلبه دخی ایلیمه چکی تأمین
اولنیور .

آوستریا غزنه لری

آوستریا ک بولک ایکی غزنه سنندن بری وبانده چیقان [نایه]
فرايه . پرسه [غزنه سی و دیگر ی پشته ده نشر اولنان [بشتر لویید]
غزنه سیدر . نایه فرايه پرسه غزنه سنک تمثیلات یومیه سی ۷۵۰۰۰
و بشتر لویید غزنه سنک دخی ۴۰۰۰۰ در .

§

انگلیر غزنه لری

تایمس غزنه سی — بولک تمثیلات یومیه سی ۷۰۰۰۰ نسخه
اوله رق یومی ۱۶ صحیفه اعلان نشر ایلر . کافه مسائل خارجیه ده
تایمس برنفوذ فوق العاده بی حازدر . دائماً امضاسز نشر اولنان
بندلری اکثریا بالذات و کلا طرفندن یازلمده در .

§

استاندارد غزته‌سی — بوغزته سکز صحیفه اوزرینه مرتب اولهرق طبع ایدیلیر . برنجی وایکنجی صحیفه لایله سکزنجی صحیفه‌سی کاملاً اعلانه منحصر در .

استانداردك تمثیلاتجه سائر انكلیز غزته لرآینه فائق اولیشنك سببی مسائل سیاسیه ده دائماً تابعله مجادله حالنده بولنمسی در . بوغزته‌ك عالمك هر طرفنده مخابراتی وارد در .

§

دیلی تلغراف غزته‌سی — (قونسر واتور) یعنی محافظه کار فرقه سنه منسوب اولوب یومی ۱۷۵۰۰۰ نسخه تمثیل ایدر .

§

دیلی نیوز — تمثیلات یومیه‌جه دیلی تلغرافك عینی در . بوغزته سربرستی فرقه سنه منسوب اولمسنندن وقتیه موسیو غلادستوندن تعلیمات آلیر ایدی . فقط مشار الیه الیوم افکارینی « اون طقوزنجی عصر » اسمنده کی مجموعه موقوته ایله نشر ایتکده در .

§

روس غزته‌لری

روسیه ده مطبوعات حقننده اجرا ایدیلان تضییق غزته‌لرك تکثرینه مانع اولش ایسه‌ده شمدیکی حالده موجود اولان غزته‌لری میاننده خلیجه اهمیتلیری وارد در :

غلوس غزته‌سی ۲۰ بیکدن زیاده مشتری یه مالک اولدیغندن سنوی یارم میلیون فرائق قدر تمتع ایتکده در . بوندن بشقه موسیو قاتقوفك زیر اداره سننده بولنان « موسقا وسقیا ویدوموستی » غزته‌سیله « نویه ویره‌میا » غزته‌سنك تمثیلاتی سائر روس غزته‌لرنك تمثیلاته نسبتله فوق العاده در .

§

ایتالیا غزته لری

ایتالیا غزته لرینک اک مشهور لری فاتقولا، اوینیونا، ووجه ده لا وریتا، اونیتا قاتولیکا، اوسرواطورا رومانو، وپونفولو نامنده کی غزته لر در .

اسپانیاده شایان اهمیت بر غزته واردر؛ اوده مادریده چیقان «اپوفا» یعنی دور نامنده کی غزته در .

آلمانیان و انکلتره و آمریکا غزته لرینک فرانسزله نسبتاً فوق الغایه عد اولنان تمعلرینک اسپانیدن بریده کاغد و مرکب و حروف کبی مقتضی اولان اجزای طبعیه دی کنندی مطبعه لرینک اعمال واضاعه ایتمه سیدر .

بوتدیر ایله یوزده یکر می بش نسبتنده برتمع حصوله کلیدیکی حساب و اثبات اولمشدر .

*

بومقاله بی پارسک [غولوا] اسمنده کی غزته سندن عیناً نقل ایلدک . بر فرانسز قلندن بودرجه لده بیطرفانه، خیر بیطرفانه دکل ! محقانه بر مقاله صدوری بندک حاوی اولدیغی اهمیت نسبتنده شایان دقتدر .

غولوا غزته سی بوراده آلمانیاک ایکی مهم غزته سنی فصلسه تحقیق و ذکر ایده مامشدر .

بونک بریسی [الکمانه چایتونف و مونخ] در که آلمانیسا مشاهر شعر اسندن شیلار طرفندن تأسیس اولمشدر .

یومی بری پولیتیه یه دیکری علوم و فنون و ادبیاته مخصوص اولارق ایکی نسخه نشر ایدر .

بو غزته شئونات مدنیه نک برانموزج مکملی حکمنده در . صحائفنده هر نه آرانسه بولونیر . اوبله اقسامه آیرلشدر که هر نسخه سنده بر حکیم

ذوفنوندن صاحبه البيت بر خاتونه قدر هر صنفك ذوق واستفاده سنه خدمت ایده بيله جك مواد متنوعديه تصادف اولمق مقرر در .

مذکور غزنه ك پروگرامي مشار البه شيلار تعيين ايلش ایدی . حالا او پروگرامك حكمنه اتباعاً نشر يانده دوام ايتكده در . مشار اليك خط دستيله محرر اولان بو پروگرام اليوم غزنه ك كتابخانه سنده محفوظ موضع احترام در . الكامايه چاتونفك جهالك هر طرفنده متعدد مخابر لری وارد در . مكاتبات عليه سندن مملكتيزی حصه دار و بصورتله قیمناسان معارفی الى الابد كنديسنه منتدار ايتش اولان متوفی موسیو مورتماك ايكنجی مخدومی موسیوژان مورتمان بو غزنه ك ادبیات و مؤلفات شرفیه مخابر لکني ايفا ايتكده در .

ايكنجیسی [غاردهن لابه] (*) اسمنده کی اسبوعی مجموعه در كه اون آلتی صحیفه دن عبارت اوله رق نشر ایدیلیر . بو مجموعه دي صاحبي بوندن قرق آلتی سنه مقدم مجبسه تصور وبعد الخلاص تأسيس ايتشدر . اليوم ۴۵۰ بيك نسخه نشر اولمقده در . مؤسسی حين وفاتنده اولادينه درت ميليون ليرا نقود ايله ۴۰۰ بيك شترى ترك ايلشدر !

مطبوعات عثمانیه

بزده غزنه جيلق هنوز حال صباوتده در . احتماك بزده کی غزنه . جيلقي حال صباوتده عد ايدشمز دخی صباوت افكار مزدن متولد بر ظندر ؛ زیرا شمدي به قدر ظهور ایدن واليوم موجود اولان غزنه لر مز جنين ساقطدن بشقه برشی دکلدر .

(*) بزم باغچه درده دكنك و چنبر لاله تنظيم ايتديكمز و صار ماشق قیلندن بعض نباتات ايله ستر ایدره ك [قریه] نامی ویردیکمز کوشكزه اطلاق اولنور .